

豫章叢書

第二三冊

豫

章

焚

書

卷一百一十五

松巢漫稿卷一

鄱陽五家六

鄱陽徐瑞著

史簡編

五言絕句

義合寺二首

峭壁空翠濕幽林煙霏清峯巔忽長嘯疑是孫登聲
枯根糾老石槁葉填古逕西山悄無人鏗然一聲磬

尋幽

尋幽烏石谷曳杖白雲岡野燒半空赤西風萬葉黃
己丑正月二日入山中題磊石二首

一掬磊下水不滿數寸深當其伏坎時已有東注心

我訪桃源人桃源在何處世上無桃源何必移家去
余自入山距出山五十五日竹屋青燈山陰杖
屨忘其癡不了事矣隨所賦錄之得二十首庚

寅入山

石浪嚙我足山雨濕我衣冥行果爲誰笑撫枕榔枝
解包

投裝卽虛館簷溜猶浪浪主人眼爲青熾薪燎衣裳
看雲

濛濛穿石罅片片宿簷端如示變滅相時出復時還
對雪

晃晃紙窗明簌簌時聞落出戶欲尋詩瘦驢雙耳卓
聽雨

疎聲連永夜寒意薄金身惆悵三生夢彭城古木春
聽泉

出山靜而清遇石何不平誰能攜素琴爲我寫此聲
聽簫

嗚嗚傳素恨渺渺起新愁臺空鳳已去楚山千頃秋
聽笛

有客攜笛來一聲山石裂老子據胡床東峯方吐月

論詩

大雅久寂寥落落爲誰語我欲友古人參到無言處
煮茶

枯樵生活火清瀑薦靈芽且賞此味永從渠客未嘉
蘭

綠葉映芳蕤貞姿在空谷紛紛世人同寂寂君子獨
老梅

枯根寄斷崖槎牙老風雪疎花如高人斂衽不敢折
苦菜

采苦南山下載豚采苦詩舍旃復舍旃此味人得知
芹

離離生澗底薇蕨敢雁行人皆美其羹我獨采其芳
劉郎菜

天台採藥客此地菜留名流水年年恨春風歲歲生
黃精

東風抽靈芽厚土長黃玉我欲勤服食從此長辟穀
鷹爪菜

何人品小草乃以鷹爪名吾舌安用甘且得吾眼明
山中人云
能明眼

蒲花

綠穠慘輕黃隨風墮霏屑富貴未足道看取十二節

石窪

飛泉所舂撞懸崖偶成窾信似太山溜吾欲銘其坎
出山

坐覺日月長還疑宇宙隘長嘯出山來如在太虛外
用仲退韻奉寄三首

懷人耿青燈兀兀香事已夢繞明月灣水清見石底
與君外形骸更自離言說此聚雖難常此意終不別
約畧古堰西坡陀山外路相從十二年迎送幾來去
大德二年戊戌正月梅始花

老樹冰霜晚孤花天地心翛然懷遠韻相對意彌深

亡亥重九夜歸篝燈獨酌因思乙未歲是日陪
余敬可攜趙定庵馬宜卿王叔文雪隱二三道
伴登芝山駐接仙亭蔬盤果食清談竟日今諸
道萍散而敬可九原不可作對酒淒然殆無以
爲懷也

重陽當痛飲對酒更生悲惆悵芝山夢死生俱別離
書芳洲題長江萬里圖詩後

萬里朝宗勢其源可濫觴從來不在險畫裏論興亡
庚子九月十四日陪芳洲觀山中泉石次韻

問酒竹籬深尋詩土花碧石上更盤桓長嘯情何極

書壁

辛丑

佳水交穉綠小閣掩春深唯有山西叟相看識此心
夜坐與劉信翁清談

清坐不知疲相對忘賓主他年記此夜青燈聽疎雨
十一月十五山行見梅一枝

丁未

老樹千年意枯槎一點春相逢驚別久竝立重凝神
周德言游小廬山觀余壁間詩次韻示教走筆

奉謝

壬子皇
慶元年

美人塵外姿胸次澹孤清空堂語三日隱隱金石聲
蘭茗尋舊題媿我昔好逕妙語爲蒲袂清越泗濱磬

舟行卽景
已

江流千丈碧崖樹一枝紅臨眺延緣久扁舟我欲東

宿常山

小樓臨水際一塔出林端爲報山僧喜無勞問數灘
有僧同舟每舟上一灘必計之自桐江至常山懸灘百餘
燈影照白髮清醑浣旅顏半生堪一笑四度宿常山

秋懷二首

亡
未

細雨沾庭濕驚風入袖寒黃花有佳色獨自倚闌看
門巷鳴乾葉階除吟候蟲幽懷不可奈絲雨更濛濛

夜坐

丈室四壁靜孤燈永夜明蒲團清坐穩簷鐵兩三聲
六言絕句

夏日六首

己亥

屋上小山叢桂門前綠水芙蓉問事唯唯否否逢人
睢睢盱盱

客散幽庭鳥集日長高樹蟬嘶有士懷戴安道無人
鑄鍾子期

世眼看朱成碧人情覆雨翻雲寧甘頭責子羽莫教
腹負將軍

偶自棲遲偃仰誰無歷落欽崙兩別足見美玉九折

替爲良譬

我生尙友千載不願爭名一時閉門寫范滂傳飽飯
和淵明詩

宇宙千年遺事江山幾段閒情一笑無人領畧杖藜
竹外徐行

六言四首

庚子

脚下行萬里路胸中貯千卷書到底只供一笑屋烏
何似除胥

畜耳何如畜眼觀人孰真觀蹟遠道紛紛飛鞚深山
有客爭棋

悟得字中有筆却參畫外無詩今人見謂癡絕異世
神交特奇

隱几反觀唯我出門與語者誰飲酒止酒俱達借書
還書一癡

故夏與南翁往來里社共聽松風盤旋久之欲
作數語不果近日偶至其下悵然興懷追賦六

言一首

辛丑

夜語連床未了村醪時復一鍾不怕石頭路滑要聽

古社松風

送醫上方存方歸弋陽

癸丑

俗子紛紛束閣此客亶亶逼人未論探丸起死壺中
刀匕通神

枯槁時而爲帝昌陽或笑引年無用乃知有用妙處
當是不傳

但識身中大藥不須肘後奇方我欲與君談此暑途
行計何忙

七言絕句

偶題

曾駐金華傲紫烟偶來此地了塵緣春風白石岡頭
路虛老松花過一年

舟行書感

壬午

斷崖斗絕小舟行煙樹崔嵬草一汀宛是釣臺臺下

路楊梅蘆橘正青青

余甲戌三月登釣臺楊梅蘆橘青青兩山間

東溪舟中呈石齋

癸未

兩山盤屈水中分紫翠深深日欲曛孤枕短篷吟夢曉一鶯啼破半溪雲

東湖枕上

雲邊假息竹方床天地詩翁一枕涼杳杳磬聲清入夢上方老衲起燒香

丙戌除夜泊舟東湖用白石歸苕溪韻書懷

客夢朦朧酒力銷梨雲漠漠路迢迢醒來便欲尋春
去楊柳江南十五橋

空山歲晚足堪娛殘雪千峯水半湖明發臨風想諸
弟共扶白髮進屠蘇

出山歸隱計無成舟泊菰叢膠斷冰記取東湖風雪
夜青熒一點隔林燈

澤亭空樹集飢鴉望斷孤雲是我家暮角吹寒風漸
落自呼斗酒對梅花

一卷陰符偶自隨奴星解事亦忘歸參橫斗轉唵魂
瘦愁絕寒梢兩綠衣